

彰德府志

子

重修彰德府志



畫漳河淇水以為郡

屏幃

畿南鎖鑰豫北蓋古異

州晉衛之遺壤也比
者形方氏釐正封域

割磁州之依離增內

黃之繡錯沿革損益

考古證今揆之史例

纂述宜亟已夫異州

首列禹貢晉乘實叅

春秋邶鄘衛踵二南

而冠諸國亘古權輿
事從其朔苟有郡必
有志也然而地當十
道軌集四维提七邑
之繁踞河朔之要守
茲土者簿書期會館
粲郊勞日不暇給前
志國本若崔文敏之
簡質郭文簡之詳贍
又或譌或闕未易訂
正是以輒度高閹不
復措意况權判斯郡

者歟徂歲之冬余奉
天子寵命乘輶持節渡漳
淇者凡三望太行隆
慮之雄覽石室銅臺
之勝韓陵片石七子
西園迨乎邈矣而卜

子西河之鐸韓魏公
相州之錦西門史令
漳鄴之水澤松杉宛
在斧鬣猶存至吾夫
子遠衛庶而富富而
教榮車中軌萬世孰

聞聖人之風而蹶然
起乎亟求陸翺鄴中
記陳臻相臺志讀之
惜乎邈不可得也庚
申之夏獲茲



聖澤時和年豐民氣充淳

珥華之役宜在斯時
而安陽陳令暫攝郡
篆能趾前美志役歲
焉按部就班殊有條
理何其勤也抑志也
者政令嚆矢殿最之

質劑也志山川都會
則宜思何以填撫志
戶口風俗則宜思何
以擘畫志禮樂戎政
則宜思何以經緯志
名宦人物則宜思何

以步趨彰往察來敦
本尚實陳數失義視
史共嗤是在念之勗
之而已遂弁其簡首
俾有所循覽焉昔
乾隆庚申閏六月兵

部右侍郎兼都察院
右副都御史巡撫河
南等處地方兼提督
銜節制全省軍務兼
理河道加五級紀錄
五次雅爾圖



重脩彰德府志序

粵稽章郡紀載由來逖矣
夷考前牒若陸翹之鄴中
記溫子昇之魏永安記劉
公銳之鄴城新記陳臻之
相臺志自晉迄宋蓋珥筆

若斯之備也今志則以前
明崔文敏公郭文簡公兩
志為善本我

朝康熙三十五年茂苑湯守
纂葺增訂所謂重光趾美
蓋訖今已四十餘年矣夫

志何可一日缺也矧章郡
河朔劇地北拱
畿輔西連三晉蹠澶掖衛川
澤廻繚人物之淵府智諳
之窟宅文德武功之樞紐
志又何可一日缺也且今

之志不可不急脩者其道
有三

聖人在上文物聲明土訓掌地
圖誦訓掌方志館開統志
備採輯軒此天運之隆所
宜亟脩者一也而章郡戶

口殷繁形勢院隄乃者削
低離畫指掌割去磁州增
入內黃建置沿革損益繁
夥此地形之殊所宜亟脩
者二也且夫昌期協則五
行萃其精形氣固則百族

阜其生旦異而晡不同矣
月異而歲不同矣况歷之
四十餘年之以乎其間禮
樂刑政忠孝節義朝有正
人野多秀士西河教澤未
之或先魏公畫錦亦繩其

後夫豈韓陵一片石所能
擅其風流哉此人事之日
起所宜亟脩者三也宜修
而不脩失之廢宜亟修而
不修失之怠此安陽陳令
暫署郡篆而日求志事之

構也陳令之志可謂篤陳
令之力可謂勤而陳令之
才亦於是乎卓矣善乎陳
令之諗余也曰志也者所
以徵文考獻紀往詔來實
係政治民風之要陳令洵


知本矣今

聖天子右文重道澄叙官方周
諮民隱陳令不務虛言而
施之於政治驗之於民風
所以乘天運順地形脩人
事者一惟實心實力是志

之所稱西門史起循績日
穹道豈遠乎哉又志事肇
始者為前署彰德守郡司
馬李君鈞稽參訂與有勞
焉例牽連書之

時

乾隆五年歲次庚申荷月
 下浣河南等處承宣
 布政使司布政使加
 三級紀錄十三次黃
 一朱定元題



重修彰德府志序

郡國有志所以緯史也特史有褒譏志
惟詳事蹟志與史固相爲表裏者則古
今郡志尙矣彰郡爲

畿輔襟喉十省孔道在古曰邶曰鄴曰相
號以代更袁曹虎爭六朝割據迨唐宋
金元雖沿革遞遷其爲控扼雄瞻依然
一大都會也左太行右漳水六峰萬金

之靈淑蔚爲人英其山川不瞭如指掌
乎安湯土沃而民坦臨漳內黃土浮而
民緩林涉武安地險而民健武其淳樸
俠烈之風不具得其概乎其間鄉哲吏
治懿行芳徽後先接踵皆足以廉頑起
懦有關政教之大者則郡志之修事有
如賒而實急者此也前明崔文敏郭文
簡兩修彰志一以簡嚴一以詳確卓然

不媿史裁後有輯者其思何以逮古先
哉蓋釐正宜慎加飾則誣去取宜公瞻
徇則曲叅考宜博循誤則疎摘辭宜工
闕靡則蔓而况自古迄今時異世殊吾
烏知其今不異于古所云耶則夫志之
修也彰往訓來可或輕歟今欣逢我

朝

聖聖相承聲教遠訖極之南梧北柳東鰈西鷁

彰德府志

序

二

人物熙皞而風俗淳美蓋德澤休養生
息涵煦於百年之深也豈相州一隅足
以鳴

國家之盛哉然而志以徵文考獻毋容闕
逸也彰志議修始於前署府安溪李君
繼以前守錦州劉君而安陽令陳君聖
巖熟掌故力任其事延名宿與相參考
燈影墨光閱歲而殺青焉郵以示余余

署郡僅三月耳陳君繼護郡篆早於吏治覘其能茲更於是編見其精且敏也是役距乙亥歲湯守之修四十餘年矣如磁易黃類多非舊是書之輯惟公惟慎旣博而該復工而潔誤者以正信者以存蕪者以刪缺者以補其有失於誣耶曲耶疎耶蔓耶披閱全編有城邑之改隸有徭賦之遞減有吏績之堪型有

英賢孝節生齒人文之日盛洵足黼黻鴻業鼓吹太平穆然於

聖天子之大道化成也於以媿徽崔郭何多讓焉余樂觀其成謹附數言簡末

時

乾隆伍年歲次庚申仲秋上浣署彰德府事衛輝府知府邗江劉謙謨



重修彰德府志序

聖天子登極之二年歲在丁巳錫輅自內黃調理
安陽安陽故彰郡附郭首邑也履任後檢邑
乘缺遺亟謀重輯既鋟板卒事間披郡志更
閱年所其缺遺亦復相仿又邇來州邑互移
版圖異舊珥筆之役非尤其亟歟己未之夏
司馬安溪李公攝理郡務以志事謀之錫輅
因徧諭各邑長令師儒暨紳縉髦士衆議僉

彰德府志

序

同徵採之勤檄分各邑惟詳惟核勿漏勿誣
復禮聘鴻筆總厥纂修其是正讐校則紳士
各任勞勩焉部署甫定李公移攝豐懷而
郡篆迭更事幾中撤署憲廣陵劉公銳意
觀成旋以

題陞入

覲去錫輅始于護理公務之暇重加商榷竟其前
緒是役也始而勅議者李公也繼而蒞事